

Kata Pengalo – Ngalo ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Senina ras turang, Dibata masu-masu kita i tengah-tengah geluhta, i sikapkenNa kai si mehuli man banta. IpilihNa kita jadi anak-anakNa. I tempatken Dibata kita i bas Negara enda si jadi rumahta i doni janah jadi inganta nggeluh selaku kalak Kristen. Dibata pe mereken pemerintah man banta lako ngelai kita anak-anak Dibata janah jadi wakil Dibata nehken ras ndalaken keadilan man banta kerina. Pemerintah e ertugas jadi serayan Dibata guna ndalanken kai singena ateNa.

Emaka Dibata ndilo kita kudas kebaktin enda guna ngatakan bujur man Dibata erkiteken kerina PemereNa man banta janah gelah kita ngasup nggeluh sebage warga Negara si mehuli janah ndukung ras notoken pemerintahta.

Erkata Lonceng

(Perp. Tedis)

Rende

KEE No. 3 : 1, 2, 3

(Serayan Kebaktin Bengket Ku Mimbar)

Kebaktin Minggu, 16 Juni 2024
Minggu III Kenca Trinitatis / Minggu Gereja ras Negara

3	Votum – Salam <i>(Perp. Tedis)</i>
L	Ibas gelar Dibata Bapa, AnakNa Yesus Kristus ras Kesah si Badia. Lias ate Tuhan Yesus Kristus, kekelengen Dibata, kerembaken Kesah si Badia ras kita kerina gelah. Amin
P	Amin Amin Amin <i>(iendeken)</i>
4	Berita Kerna Perbahanen ras Sura-sura Dibata (Invocatio)
L	<p>“Kami sada dareh nge ras senina-senina kami kalak Jahudi. Ma seri nge ulina anak-anak kami ras anak-anakna? Tapi terpaksa ibere kami anak-anak kami jadi budak kalak. Piga-piga kalak anak kami si diberu enggo me deba idayaken jadi budak. Kami sitik pe lanai ergegeh ngelawan si e, sabap juma kami ras peken anggur kami enggo man kalak” (Nehemia 5 : 5).</p> <p>Erpalasken Kata Dibata enda, si puji IA alu ras kita rende : KEE No. 374 : 1, 2, 3</p>
5	Perbahanen Dibata man manusia <i>(Perp. Kundul)</i>
L	Dibatanta eme Dibata si mehuli. ItepaNa doni enda alu kiniulin janah ibahanNa manusia jadi puncak kiniulin e. iangkatna manusia e jadi temanNa guna njagai ras mpekena-kena doni enda. IbereNa kepercayaan man banta guna mimpin doni enda guna ndalaken si ngena atena.
P	Terpujilah Dibata ibas kerina kiniulinNa
L	Itengah-tengah kegeluhen bangsaNa, Dibata tetap erdahin guna nehken kiniulin man bangsaNa. Iangkatna, imam-imam guna mimpin umatna. Berekenna Hahim-Hajim guna mperjuangkan kebebasan bangsaNa, iangkatNa raja-raja guna ngepkep umatNa, bagepe guna ngerunggui anak-anakNa. Bageme Dibata erdiate nandangi umatNa.
P	Terpujilah Dibata ibas kerina kiniulinNa,

L	Mari supuji Tuhan arah ende-endenta : KEE No. 372 : 1, 2, 3
6	Kinata Kegeluhen Kalak Kristen i tengah-tengah Kegeluhen Berbangsa ras Bernegara/Pengakun Dosa
	<i>(Paksa Teneng)</i>
L	Negara ipake Tuhan Dibata man banta serayanNa erdahin guna ngelai kita ibas negaranta enda, kuga nge pengidahta nandangi negaranta enda?
P	Ngaku kami Tuhan, la iangka kami maka negara enda pe ipakeNdu jadi dalam ibas nehken sura-suraNdu nandangi kami kerina.
L	Adi negaranta pe ipake Tuhan jadi perkakasNa, arusna selaku anak-anakNa kita pe taat nandangi negaranta
P	Ngaku me kami Tuhan, ketaaten kami nandangi negara kami labo iakap kami jadi tanggungjawab kami selaku anak-anakNdu. O Tuhan, sampati dage kami gelah ngasup ngidah negara selaku serayanNdu, bage pe ketaaten kami jadi buah kiniteken kami kutengah-tengah negara kami.
L	Mari tole si akuken salah lepakta man Dibata arah ende-endenta : KEE No. 436 : 1, 2, 3
7	Pengalemi Dosa <i>(Perp. Tedis)</i>
L	Selaku persuruhan Dibata, aku nehken kataNa man banta, niNa: <i>“Aku me Dibatandu si perkeleng, si la erngena ate adi kam nggeluh ibas dosa ras kejahatenndu. Aku la ertak-tak kerna dosa ras kejahatenndu, Ku lupaken ras kusasapken salahndu erkiteken ceda atendu kerna dosa ras kejahatenndu. Emaka cidahkenlah keleng atendu man bangku, jadilah pemerintah simehuli janah jadilah warga Negara si mehuli ras patuh man pemerintah sabab pemerintah pe serayanKu si Kupilih guna ngelai kam I tengah-tengah doni enda.”</i> Amin. Sipuji Tuhan erkiteken dosanta enggo ialemiNa arah : KEE No. 269 : 1, 2, 3

8	Kata Dibata <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Amos 5 : 18 - 24 . Mari siogeken secara pegancih
6:18 L	Andiko, cilaka me kam si ertedeh ate nandangi kerehen wari TUHAN! Kai kin untungna man bandu kerna wari e? Wari e, wari kegelapen kap man bandu, labo terang.
6:19 P	Tupung si e bali kap ras sekalak jelma si pulah i bas babah arimo nari tapi ndabuh ku babah buaya! Tah pe bagi sekalak jelma si mulih ku rumahna; tupung tertande ia ku dingding, itagut nipe tanna!
6:20 L	Wari TUHAN, tuhu-tuhu sada wari si gelap labo lit sitik pe terangna.
6:21 P	Nina TUHAN, “Ciga ateKu perayan-perayan agamandu; mutah Aku ngidahsa!
6:22 L	Adi ibahanndu persembahen tutungen ras persembahen gandum, la Kualoken. Asuh-asuhen si enggo ipeburburndu janah ipersembahkenndu bangKu pe la Kualoken.
6:23 P	Ende-endenndu pe gejek Kuakap; pengadilah e. La ateKu bage megiken sora kulcapindu.
6:24 L	Tapi bahanlah maka kebujuren erburak-burak desken lau sumbul, dengen kebujuren desken lau belin si la pernah kerah.
	<p style="text-align: center;"> Ketuahen kalak si megiken Kata Dibata, dengen si makekenca i bas geluhna si teptep wari. Haleluya. Ialoi perpulungen alu ngendeken : <i>Haleluya</i> <i>Haleluya</i> <i>Haleluya</i> </p>

b	Ertoto guna Khotbah
c	Khotbah : <i>1 Petrus 2 : 11 - 17.</i> Tema : <i>“Mehamat Man Pemerintah”</i>
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen Pengataken Bujur <i>(Perp. Kundul)</i>
L	<p>Kata Dibata si jadi palas man banta guna nehken persembahen pengataken bujur man Dibata ibuat ibas Masmur 40 : 6:</p> <p><i>“Enggo melala perbahanenNdu si mehuli man kami, o Tuhan Dibata kami, la lit si seri ras Kam. Andiko lalana rencana si mehuli si enggo ibahanNdu guna kami, la terturiken perban lalana.”</i></p> <p>Ibas kita mpepulung persembahenta, rende kita arah :</p> <p>KEE No. 315 : 1, 2, 3, 4</p> <p>Pertoton Persembahen ras Syafaat</p>
11	Perpadanen Man Dibata <i>(Perp. Tedis)</i>
L	Dibata masu-masu kita, ikelengiNa kita, alu mereken negara guna inganta tading ras ngidah sura-sura Dibata. Alu bage, kai nge perpadanenta man Dibata nandangi negaranta?

P	Bujur Tuhan ibas negara si iberekenNdu man kami, janah kami erpadan ngidah negara kami selaku perkakasNdu guna nehken sura-suraNdu, janah icidahken kami selaku anak-anakNdu bage pe selaku warga negara si mehuli.
L	Dibata mereken kepercayaan man banta selaku temanNa i doni enda guna nehken si ngena atena I tengah-tengah negaranta, kai dage tanggungjawabta?
P	Erpadan kami Tuhan, nehi tanggungjabab kami selaku warga gereja bage pe selaku warga negara Indonesia.
L	Si pepaguhi dage perpadanenta enda, ras kita rende arah : KEE No. 430 : 1, 2, 3
12	Pertoton Tuhan
13	Pengutusen ras Pasu-pasu Dibata
L	Laweslah, cidahkenlah keleng atendu man bangKu, patuhlah kam man negara enda. janah patuhlah kam man bangKu. Jadilah pemerintah si erkemalangen man Dibata, jadilahlah warga negara si mehuli alu patuh ndalanken tanggung jawabndu. Guna si e, alokenlah pasu-pasu idur Dibata nari : “Ipasu-pasu janah ikawali Dibata kam, siang ayo Dibata ersinalsal Ibabondu janah melias ateNa ngenehen kam, itatap Dibata ku kam janah malem atendu ibahanNa, Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>